

### Vaxtahækkunir og gengisstyrking

Seðlabanki Íslands hækkaði stýrivexti um eina prósentu í byrjun desember og aftur um hálfu prósentu í febrúar. Gengi krónunnar hækkaði í kjölfarið og fór vísitala gengisskráningar niður fyrir 110 í febrúar en hafði verið nærri 120 síðari hluta nóvember. Aðrir vextir hækkuðu einnig en ávöxtun ríkisvixla virðist þó lúta öðrum lög-  
málum, a.m.k. um sinn. Um áramótin hætti Seðlabankinn kaupum á gjaldeyri til að styrkja gjaldeyrisforða sinn en hélt áfram kaupum vegna þarfa ríkissjóðs fyrir gjaldeyri. Hlutabréfaverð tók að rísa á ný upp úr áramótum. Skuldabréfamarkaður var liflegur í desember, dofnaði í janúar en lifnaði síðan við á ný um miðjan febrúar.


#### Gengi krónunnar styrktist í kjölfar vaxtahækkunar í desember ...

Seðlabanki Íslands tilkynnti um hækkun stýrivaxta um eina prósentu 2. desember 2004. Helstu ástæður fyrir svo mikilli hækkun stýrivaxta voru að þensla á íbúðamarkaði hafði vaxið verulega í kjölfar aukinnar samkeppni á lánamarkaði og að framkvæmdum við stóriðju hafði verið flýtt og þær auknar. Verðbólguhorfur höfðu því versnað. Umfang hækkunarinnar kom nokkuð á óvart þótt væntingar hefðu verið um hækkun vaxta á gjaldeyrismarkaði dagana fyrir tilkynninguna. Gengið styrktist skarpt eftir vaxtahækkunina og lækkaði síðan nokkuð áður en það tók að hækka á ný. Í janúar og febrúar hélt gengið áfram að styrkjast. Auk meiri vaxtamunar við útlönd stuðluðu jákvæðar fréttir af aflabrogðum, erlendri fjárfestingu og breyttu lánshæfismati að styrkingunni en ekki varð séð að neikvæðar fréttir, t.d. fréttir um vöruskiptajöfnuð við útlönd, hefðu merkjanleg áhrif. Í byrjun febrúar snerist þróunin við um skamma hríð en sótti skömmu síðar í sama farið á ný. Í lok febrúar var vísitala gengisskráningar á svipuðu róli og í byrjun júní 2000, þ.e. skömmu eftir að gengið náði hæsta gildi. Þróun vísitölu gengisskráningar má sjá á mynd 1.

#### ...og aftur í febrúar


Stýrivextir voru aftur hækkaðir um hálfu prósentu 18. febrúar 2005 samhliða því að Seðlabankinn birti greinargerð til ríkisstjórnar eftir að verðbólga rauf þolmörk peningastefnunnar sem tilgreind voru í sameiginlegri yfirlýsingu Seðlabankans og ríkisstjórnarinnar í mars 2001. Hækkunin hafði tafarlaus áhrif á gengi krónunnar, jafnvel þótt spár greiningadeilda bankanna bentu til þess að markaðurinn vænti vaxtahækkunar. Á tímabilinu frá 24. nóvember til 28. febrúar lækkaði vísitala gengisskráningar alls um rúmlega 8%. Um alllangt skeið hafa ríkt væntingar um styrkingu íslensku krónunnar vegna stórfamkvæmda á Austurlandi og í tengslum við stækkun Norðurláls. Þar af leiðandi hafa íslensk fyrirtæki getað búið sig undir þessarar aðstæður og stærstu fyrirtækin hafa haft uppi viðamiklar gengisvarnir sem til þessa virðast hafa haldið. Það sem ekki varð þó séð jafn vel fyrir var mikil veiking Bandaríkjadals á alþjóðlegum mörkuðum undir lok ársins og fyrstu dagana í janúar. Gengi evru gagnvart Bandaríkjadal fór í 1,3667 hinn 30.

Mynd 1  
Gengisskráningarvísitala  
Daglegar tölur 5. janúar 2004 - 1. mars 2005  
31. desember 1991 = 100



Heimild: Seðlabanki Íslands.

Mynd 2  
Hækkun bankavaxta og stýrivaxta  
1. maí 2004 - 1. mars 2005



— Överðtryggðir kjörvextir banka  
— Meðalvextir överðtryggðra skuldabréfalána banka  
— Stýrivextir Seðlabankans


Heimild: Seðlabanki Íslands.

1. Í þessari grein eru notaðar upplýsingar sem tiltækar voru þann 4. mars 2005.

Mynd 3

Ávöxtun ríkisvixla og þriggja mánaða REIBOR og stýrivextir Seðlabankans

Daglegar tölur 5. janúar 2004 - 1. mars 2005



Heimild: Seðlabanki Íslands.

desember en 20. nóvember var það við 1,3. Í janúar og febrúar gekk þessi þróun til baka að nokkru en 4. mars var gengið komið í 1,32 á ný. Ástæður þessa eru einkum mikill fjárlagahalli og viðskiptahalli í Bandaríkjunum og má ætla að lítill hagvöxtur á evrusvæðinu hafi heldur hamlað frekari veikingu Bandaríkjadals en hitt, auk þess sem seðlabankar margra Asíulanda hafa keypt Bandaríkjadali fyrir háar fjárhæðir á undanförunum árum og hafa ekki snúið baki við honum þrátt fyrir verðlækkun hans.

**Vextir hækkuðu einnig í kjölfar aðgerða Seðlabankans**

Í kjölfar vaxtahækkana Seðlabankans hækkuðu vextir á millibankamarkaði samsvarandi og bankavextir hækkuðu einnig að mestu í takti við hækkanir Seðlabankavaxta. Frá maí 2004 þegar Seðlabankinn hóf núverandi hækkunarferli hafa útlánsvextir banka þó ekki hækkað jafn mikið og Seðlabankavextirnir eins og sjá má á mynd 2. Ávöxtun ríkisvixla hefur ekki hækkað eins og stýrivextir síðan Seðlabankinn hækkaði vexti sína í desember. Ekki náðist lágmarksfjárhæð í útboði ríkisvixla 30. desember 2004 og því var framboð þeirra af skornum skammti sem leiddi til heldur hærra verðs á markaði en áður. Því myndaðist nokkurt bil á milli ávöxtunar ríkisvixla og ávöxtunar á millibankamarkaði en allajafna hefur verið góð fylgni þar á milli sbr. mynd 3. Vextir á millibankamarkaði fyrir lán í krónum hafa þróast í takti við vaxtabreytingar Seðlabankans eins og vænta mátti. Í desember örllaði á óróa á markaði vegna hreyfinga sem tengdust lausafjárstýringu Íbúðalánasjóðs. Þar skorti nokkuð á gegnsæi og því urðu óvæntar hreyfingar á markaði auk þess sem erfitt var að skýra skrykkjóttu vaxtamyndun.

**Rammagrein 1**  
**Yfirlit gjaldeyrismarkaðar 2004**

Í töflu 1 eru helstu kennitölur gjaldeyrismarkaðar árin 2001-2004. Eins og sjá má hefur gengi krónu verið nokkuð sveiflukennt síðastliðin ár, bæði til styrkingar og veikingar. Inn á milli hafa komið allläng skeið gengisstöðugleika. Gengi Bandaríkjadals gagnvart krónu hefur lækkað mikið frá því að það varð hæst undir lok ársins 2001 og stafar það að hluta af lækkun dals á erlendum mörkuðum. Seðlabankinn seldi gjaldeyri til markaðsaðila á árinu 2001 en keypti gjaldeyri á árunum 2002 til 2004.

Tafla 1 Yfirlit gjaldeyrismarkaðar 2001-2004

	Velta (m.kr.)	Meðal- Velta Sí (m.kr.)	Meðal- velta á dag (m.kr.)	Gengisvísitala			Gengi evru gagnvart í lok árs	Gengi dals gagnvart í lok árs
				Í lok árs	Breyting yfir ár (%)	Styrk- ing/ veiking (%)		
2001	1.218.045	29.538	4.892	141,7985	17,35	-14,78	91,33	103,20
2002	834.444	4.528	3.378	124,8994	-11,92	13,53	84,71	80,77
2003	1.185.566	43.208	4.781	123,4179	-1,19	1,20	89,76	71,16
2004	948.249	27.228	3.763	113,0158	-8,43	9,20	83,51	61,19

**Velta**

Velta á gjaldeyrismarkaði á árinu 2004 var liðlega 948 ma.kr. sem er 237 ma.kr. minna en á árinu 2003. Velta var mest í desember, 173,6 ma.kr. Lítil velta var á gjaldeyrismarkaði í apríl, maí og júní og náði

enginn mánaðanna 50 ma.kr. veltu. Minnst var hún í maí, 41,9 ma.kr. Meðalvelta á dag þessa þrjá mánuði var um 2,3 ma.kr. Dagleg meðalvelta á árinu öllu var 3,8 ma.kr. sem er um 1 ma.kr. minna en á árunum 2003 og 2001 en um 400 m.kr. meira en á árinu 2002. Mest velta á einum degi á árinu 2004 án afskipta Seðlabankans var 19,3 ma.kr. 3. desember. Að meðtöldum kaupum Seðlabankans á 80 m. Bandaríkjadala 19. janúar varð heildarvelta þó ívið meiri, eða 19,6 ma.kr.

Engar breytingar urðu á umgjörð gjaldeyrismarkaðar á árinu 2004 og hefur markaðurinn nú í 2 ár búið við óbreytt skilyrði að því er varðar reglur og kvaðir markaðsaðila.

### Krónan

Gengisvísitalan lækkaði um 8,43% og krónan styrktist um 9,2% á árinu sem er nokkur breyting frá árinu á undan. Seðlabankinn skráði gengisvísitöluna hæst þann 5. maí eða 124,7766 stig. Fyrstu 11 mánuði ársins var vísitalan fyrir ofan 118 stig og mestan hluta þess tíma á bilinu 120 til 123 stig. Lægst var vísitalan skráð 8. desember eða 112,7771 stig. Seðlabankinn hækkaði stýrivexti um 2,95 prósentur á árinu og hafði það áhrif á gjaldeyrismarkaðinn. Krónan styrktist skarpt í byrjun desember eftir að Seðlabankinn hækkaði stýrivexti um 1 prósentu.

Tafla 2 Gengisflókt 2001-2004

Staðalfrávik daglegra breytinga gagnvart krónu

Staðalfrávik (%)	Gengisvísitala	Bandaríkjadalur	Evra
2001	0,72	0,84	0,77
2002	0,46	0,56	0,54
2003	0,50	0,69	0,56
2004	0,35	0,58	0,39

Síðastliðið ár var á heildina lítið mjög rólegt á gjaldeyrismarkaði. Það sést á veltutölum framan af ári og á gengisflókti en það var með minnsta móti miðað við árin á undan. Daglegt gengisflókt mælt með staðalfrávikum daglegra breytinga hefur minnkað frá árinu 2003 og var minna en árið 2002 þegar horft er á gengisvísitöluna og evru en svipað og árið 2002 ef horft er á Bandaríkjadala. Dalurinn hefur sveiflast mikið á erlendum mörkuðum sl. mánuði sem endurspeglast í þessum tölum.

### Vaxtabreytingar og gjaldeyrismarkaður


Stýrivextir Seðlabankans voru hækkaðir sex sinnum á árinu 2004. Mátti lesa úr skrifum bankans að vaxtahækkunar væru yfirvofandi þar sem verðbólguþrá gáfu til kynna aukinn verðbólguþrýsting. Í september og október var tilkynnt um 0,50 prósentna hækkun í hvort skipti. Þær hækkunar komu ekki á óvart. Hins vegar voru meiri viðbrögð við 1 prósentu hækkun í byrjun desember. Þá höfðu ýmsir markaðsaðilar spáð 0,50 prósentna hækkun.

Mynd 2 sýnir daglegar breytingar á skráningu gengis 5 dögum fyrir og 5 dögum eftir tilkynningar um vaxtabreytingarnar í september, október og desember.

Ekki er að sjá mikil viðbrögð á breytingum gengisvísitölu í september eða október. Í desember eru sveiflurnar töluvert meiri og lækkar gengisvísitalan í aðdraganda vaxtahækkunar. Það sést á mynd 2 á milli daga -1 og 0. Nokkrum dögum síðar gekk styrkingin að einhverju leyti til baka.

Mynd 1  
Gengisskráningarvísitala 2004


Daglegar tölur 5. janúar - 31. desember 2004



Heimild: Seðlabanki Íslands.

Mynd 2

Daglegar breytingar á skráðri gengisvísitölu 5 dögum fyrir og eftir tilkynntar vaxtabreytingar




— 2. desember 2004  
— 29. október 2004  
— 17. september 2004

Heimild: Seðlabanki Íslands.

Mynd 4

Staða endurhverfra viðskipta og innstæðubréfa

Vikulegar tölur 30. desember 2003 - 22. febrúar 2005




Heimild: Seðlabanki Íslands.

Mynd 5

Daglán hjá Seðlabanka Íslands

Velta hvers mánaðar janúar 2003 - febrúar 2005




Heimild: Seðlabanki Íslands.

Mynd 6

Úrvalsvisitala hlutabréfa

Daglegar tölur 6. janúar 1998 - 1. mars 2005



Heimild: Kauphöll Íslands.

## Gjaldeyriskaup til að mæta þörfum ríkissjóðs

Dregið var úr gjaldeyriskaupum Seðlabankans um áramót en þá hætti bankinn kaupum gjaldeyris til að styrkja gjaldeyrisforðann. Hann hélt aðeins áfram kaupum gjaldeyris til að mæta þörfum ríkissjóðs vegna vaxtagreiðslna og endurgreiðslna erlendra lána eins og skýrt var frá í síðasta hefti *Peningamála*. Nettóinnstæða ríkissjóðs í Seðlabankanum hækkaði nokkuð í febrúar og var á tímabili nærri 30 ma.kr. sem er óvenjuhátt. Skýringarnar eru nokkrar, m.a. hafa tekjur ríkissjóðs vaxið vegna mikilla umsvifa í hagkerfinu en einnig greiddi Íbúðalánasjóður upp í lán sem sjóðurinn hafði tekið hjá ríkissjóði. Þessa góðu stöðu hefur ríkissjóður m.a. nýtt til að grynna á erlendum skuldum eins og boðað hafði verið þegar fjárlög voru til afgreiðslu á Alþingi. Þetta rýrir gjaldeyrisforða Seðlabankans tímabundið en ef að líkum lætur styrkist hann á ný þegar líður á árið.

## Fyrirgreiðsla Seðlabankans minnkar

Þörf lánastofnana fyrir fyrirgreiðslu í Seðlabankanum hefur minnkað vegna rýmri lausafjárstöðu þeirra. Endurhverf viðskipti hafa minnkað og sala innstæðubréfa einnig dregist saman, sérstaklega eftir að Íbúðalánasjóður hóf aftur viðskipti við Seðlabankann en þau höfðu legið niðri um hríð. Að hluta til má rekja samdrátt endurhverfra viðskipta og sölu innstæðubréfa til meira jafnvægis á krónumarkaði en aðilar þar virðast í auknum mæli ná að jafna út stöðu sína með innbyrðis viðskiptum. Um tíma var nokkurt ójafnvægi meðal stofnana sem ekki virtist hægt að jafna með slíkum viðskiptum. Mynd 4 sýnir þróun endurhverfra viðskipta og innstæðubréfa á síðustu mánuðum. Daglán hafa dregist verulega saman og má rekja það að miklu leyti til betri fjárstyringar og sameiningu bindireikninga og viðskiptareikninga í Seðlabankanum síðla árs 2003. Í janúar og febrúar námu daglán samtals 800 m.kr. en meðaldaglán á mánuði árin 2003 og 2004 voru um 11,7 ma.kr. Mynd 5 sýnir þróun daglána frá byrjun árs 2003.

## Hlutabréfamarkaður líflegur

Hlutabréfaverð, sem tók dýfu seint í október, tók aftur að hækka í janúar og var það rakið til væntinga um góða afkomu skráðra félaga sem gekk eftir í flestum tilfellum. Sérstaklega var hagnaður fjármála-fyrirtækja mikill en afkoma flestra annarra fyrirtækja var einnig góð, þar á meðal eru útflutningsfyrirtæki sem virðast hafa náð að verjast gengisbreytingum að nokkru. Markaðurinn virðist þó vera næmari fyrir fréttum en um nokkurt skeið, t.a.m. gáfu afkomufréttir sem voru verri en væntingar markaðarins tilefni til lækkunar hlutabréfaverðs en slíkt hefur ekki ávallt gerst. Ef lítið er til baka, t.d. til miðs árs 2001, hefur hækkun úrvalsvisítölnnar svarað til 40% ávöxtunar á ári. Mynd 6 sýnir þróun úrvalsvisítölu hlutabréfa í Kauphöll Íslands.

## Skuldabréfamarkaður róast

Eftir vaxtahækkun Seðlabankans í desember lifnaði yfir skuldabréfamarkaði bæði vegna þátttöku innlendra og erlendra fjárfesta. Ávöxtunarkrafa íbúðabréfa hækkaði í kjölfarið og er líklegt að erlendir aðilar hafi losað um stöður og innleyst hagnað. Hækkunin varaði þó ekki lengi. Um áramótin jókst áhuginn á íbúðabréfunum á ný og ávöxtun-

Velta á millibankamarkaði fyrir lán í krónum á árinu 2004 var 1.073 ma.kr. Þetta er nánast tvöföldun frá árinu á undan. Þessa miklu aukningu má rekja til nokkurra samverkandi þátta, m.a. kaupa Seðlabankans á gjaldeyri, minnkandi bindiskyldu og ekki síst breytinga á íbúðalánamarkaði. Tafla 1 sýnir veltutölur bæði á krónumarkaði og gjaldeyrisskiptamarkaði frá stofnun þeirra til ársloka 2004. Aukin velta á krónumarkaði helst í hendur við bættu krónustöðu almennt á markaðnum en því virðist öfugt farið á gjaldeyrisskiptamarkaði. Þar sem gjaldeyrisskiptasamningar hafa fyrst og fremst verið notaðir til lausafjárstyringar ætti þessi þróun ekki að koma á óvart.

Á krónumarkaði halda viðskiptavakar úti tilboðum með tímalengdir frá einum degi að einu ári. Um millibankamarkað með krónur gilda reglur frá 16. mars 2000. Þar er greint frá hámarksbili á milli inn- og útlánsvaxta ásamt viðmiðunarfjárhæðum í samningum milli viðskiptavaka. Þrátt fyrir að reglum hafi ekki verið breytt hefur vaxtabil minnkað og er nú 15 punktar á öllum tímalengdum. Fjárhæðir hafa hækkað eftir því sem markaðurinn hefur orðið skilvirkari og lausafjárstaða markaðsaðila rýmri en áður var.

Flest viðskipti á gjaldeyrisskiptamarkaði eru með 5 milljónir Bandaríkjadala en viðmiðunarupphæð við stofnun var 3 milljónir Bandaríkjadala. Seðlabankinn skráir daglega framvirka punkta á gjaldeyrisskiptamarkaði en það er meðaltal tilboða sem markaðsaðilar halda úti. Þrátt fyrir að markaðurinn sé ekki skilvirkastur millibankamarkaða styður hann verðmyndun bæði á krónu- og gjaldeyrismarkaði og verðmyndun á framvirkum mörkuðum en þeir eru nauðsynlegir m.a. fyrir fyrirtæki til að verja sig gengisáhættu.

Tafla 1 Árleg velta á krónumarkaði og gjaldeyrisskiptamarkaði

Ma.kr.	Krónumarkaður	Gjaldeyrisskiptamarkaður
1998	434,3	.
1999	500,3	.
2000	524,3	.
2001	426,1	.
2002	420,8	177,9
2003	585,0	112,1
2004	1.073,3	95,5

Krónumarkaður tók til starfa 3. mars 1998.

Gjaldmiðlaskiptamarkaður tók til starfa 26. nóvember 2001.

Á krónumarkaði eru viðskipti fyrst og fremst á allra stysta enda markaðarins, frá einum degi að einni viku. Viðskipti með aðrar tímalengdir eru fátíðari. Á gjaldeyrisskiptamarkaði voru viðskipti með stystu tímalengdirnar algengastar. Heldur hefur aukist að gjaldeyrisskiptasamningar séu gerðir í mánuð eða lengur.

in tók að síga. Mest lækkaði ávöxtun stysta flokks íbúðabréfa (með gjalddaga 2014) en sá flokkur er lítill (um 20 ma.kr.). Ekki hefur gengið sem skyldi að skipta lengri bréfum fyrir bréf í þessum flokki og hafa tvö skiptiútböð mistekist. Raunávöxtun þriggja lengri flokka íbúðabréfa dvaldi í þó nokkurn tíma rétt ofan við 3,5% og var því um kennt að við það mark væri miðað í ávöxtun lífeyrissjóða og að áhugi þeirra á fjárfestingu í bréfunum hyrfi færri ávöxtunin niður fyrir það mark. Það gerðist þó um miðjan febrúar og fór raunávöxtunin lægst í


## Rammagrein 2

### Velta á krónu- og gjaldeyrisskiptamarkaði

Mynd 7

Ávöxtun íbúðabréfa

Daglegar tölur 8. júlí 2004 - 1. mars 2005



Heimild: Seðlabanki Íslands.

3,42% á lengri flokkunum. Sennilegt er að þessi lækkun tengist breytingum á lánsþæfismati hjá Standard & Poor's á löngum erlendum skuldbindingum ríkissjóðs úr A+ í AA- í febrúar. Sama breyting varð á lánsþæfismati Íbúðalánasjóðs en horfur á mati hans voru þó metnar neikvæðar en stöðugar hjá ríkissjóði. Mynd 7 sýnir þróun ávöxtunar íbúðabréfa.

**Uppgreiðsla og uppsögn viðskiptavaktar**

Uppgreiðsla lána hjá Íbúðalánasjóði á tímabilinu frá september til loka árs nam 70 ma.kr. en ný íbúðalán banka námu á sama tíma 120 ma.kr. Á sama tíma drógust sjóðfélagalán stærstu lífeyrissjóðanna saman um 6 ma.kr. Íbúðalánasjóður sagði í janúar upp viðskiptavakt þeirra flokka húsbreifa og húsnæðisbreifa sem verið hafa í slíkri vakt, frá og með maí 2005. Viðskipti með þau bréf sem falla undir viðskiptavakasamning hafa minnkað og er nú svo komið að þau eru svo fátíð að þau geta með engu móti talist verðmyndandi fyrir viðkomandi flokka. Því var ekki talið þjóna upphaflegum tilgangi að halda áfram viðskiptavakt. Í desember voru hámarkslán Íbúðalánasjóðs hækkuð í 14,9 m.kr. og veðhámörk hækkuðu í 90%. Skuldabréf færeysku landstjórnarinnar voru skráð í Kauphöll Íslands í nóvember og eru þau fyrstu bréfin sem skráð eru eftir að samstarf hófst með kauphöllum landanna.

**Vaxtamunur eykst**

Í kjölfar vaxtahækkana Seðlabankans jókst vaxtamunur milli Íslands og helstu viðskiptalanda úr 4,26% í 5,55% þegar miðað er við ávöxtun ríkisvixla en úr 4,94% í 6,29% þegar miðað er við vexti á milli-bankamarkaði til þriggja mánaða.<sup>2</sup>

Tafla 1 Stýrivextir nokkurra seðlabanka

%	Stýrivextir (%) fyrir og eftir síðustu breytingu		Dagsetning síðustu tilkynningar um vaxtabreytingu
	Fyrir	Eftir	
Bandaríkin	2,25	2,50	2. febrúar 2005
Japan	0,15	0,00	19. mars 2001
Evrusvæðið	2,50	2,00	5. júní 2003
Bretland	4,50	4,75	5. ágúst 2004
Kanada	2,25	2,50	19. október 2004
Sviss	0,00-1,00	0,25-1,25	16. september 2004
Svíþjóð	2,50	2,00	1. apríl 2004
Ástralía	5,25	5,50	2. mars 2005
Nýja-Sjáland	6,25	6,50	28. október 2004
Danmörk	2,50	2,00	6. júní 2003
Noregur	2,00	1,75	11. mars 2004
Ísland	8,25	8,75	18. febrúar 2005

Heimild: Seðlabanki Íslands.

Lítið hefur verið um breytingar seðlabankavaxta í öðrum löndum um síðustu mánuði. Bandaríski seðlabankinn hækkaði þó vexti 14. desember og aftur 2. febrúar um 0,25 prósentur í hvort skipti og seðlabanki Ástralíu hækkaði vexti um 0,25 prósentur 2. mars. Vexti nokkurra seðlabanka má sjá í töflu 1.

2. Miðað við viðskiptavegna erlenda vexti.